

(يفتح فيه بدهشة .. تتعد أدفع عربة الشاي
للخارج)

(تسقط رزمة أوراق مالية من صدرها)

زنوبية : وطى هات الفلوس يا علام

ولا تخليهم قسمة الأرض

علام : علام ما يحنى راسه الا الله

خدى اللى وقع منك يا ست زنوبية

كله من دم الناس الغلابة .. من الخلوات
والسمسرة والرهونات

زنوبية : قال فقر وعنطرة ..

اكره ما على الفقير .. لا أحب أدبه أى شىء

ولا حيلته حاجة أخدها ..

علام : احنا فقرا ومعدومين

زنوبية : انما انا سيدة أعمال

تجارة وشطارة

رزق ومفتوح لى على الآخر .. أصده ولا أقول
له لا ؟

(تلوح له بالنقود فى حركة اغراء رخيصة)

زنوبية : بأقول ايه .. ما تعقل

وتعقل صاحبك

ونحط زيتنا فى دقيقنا

علام : ياست احنا لا عندنا زيت ولا دقيق